



19.10.2022

UKA2022/93

Jens Napâtôk', Naleraq

Kommunit aqqissugaanerisa allannguutaat pillugit Naalackersuisut nalilersuinissamik suliaqqaqullugit peqquneqassasut Inatsisartut aalajangiiffigisassaattut siunnersuut. Aqqissuussaanermi allannguutaasimasut pitsaaqutai ajoqutaalu nalilersorneqassapput, sumiiffimilu demokratiimut kommunillu aningaasaqarnerannut sunniuteqarsimanersoq, kiisalu allaffissornikillisaaniarnermut siunertaasimasoq piviusunngortinneqarsimanersoq nalilersorneqassallutik. Nalilersuineq UPA2024 nallertinnagu Inatsisartunut agguassorneqassaaq.

(Inatsisartunut ilaasortaq Aqqalu C. Jerimiassen, Atassut)

Siullermeerineq:

Siunnersuuteqartoq Aqqalu C. Jerimiassen, Atassut siunnersuutaanut Naleqqamiit qutsavigerusupparput siunnersuutaanullu imatut oqaaseqaateqassaagut.

Julip 16-iani 2022-imi inatsisartunut aalajangiiffigisassaattut siunnersuut tunniussimavara kommuninut aqqissuusseqqinneq pillugu nalilersuisoqarnissaa kissatigalugu nalilersoqqullugu pitsaaqutai pitsaanngequtaalu pillugit misissuisarsimanerni pitsaaqutai pitsaanngequtaalu innuttaasut sumiiffikkaartumik peqataatillugit nalilersueqqullugit siunnersuutigisaraluaara tupinnaraluartumik siulittaasoqarfimmiit itigartinneqarpoq aningaasartuutissanut missingiussaq 600.000 kr.-imut akeqarnissaa missingiussimagakku atorfinittat taamatut akeqarnissaanik nalilersorluareerlugu oqariartuutaat aallaavigalugu aqqinneqarnikuulluni.

Maannakkullu siunnersuut Naleqqamiit siunnersuutigisimasatsinnut assingusoq aningaasatigut ingerlatsinikkullu pisortanut kingunerisassai nalunaarusiorneq ukiup ataatsimik sivisussuseqarnissaa naatsorsuutigineqartoq 1,5 mio kr. 2 mio. kr.-illu missaani akeqassasoq naatsorsuutigineqartoq.



Naleraq

Nalilersuisoqartariaqarpoq Kommunit aaqqissuussaananer at pillugu killiffissiornissaq avaqqunneqarsinnaangilaq, innuttaasut oqariartuutaat tusaanngitsuusaaginnarsinnaangilarput, qanoq iliuuseqartoqariaqartoq naleqqamiit.

Kommunerujussuit kattussuunnissaanut aningaasartuutit apparsarnissaat aammalu sumiiffiit mikinerit atorfinittatigut killeqartumik inissisimasarsimasut pillugit innuttaasut atorfinittanik pikkorissunik sullinneqalernissaat kommunerujussuannngortitsiserner mi siunertaasimagaluarpoq.

Taamatullu kommunit oqartussaaffigisaat annertusartussanngorlugu sanaartukkat tamaasa tigoorarlugit inissittoqartoqarnissaa siunertaagaluarpoq inatsisartut ikinnerulerlugit inatsisiliorneq aallullugu suliarilertussaagaluaaraat takorluugaallutillu angunigaanikuugaluarput.

Siunnerfik takorluugarlu namminermini ajunngilluinnaraluarpoq, kisiannili siunnerfiit allanngortitserlugit aammalu akisussaaffiit kommunini aningaasartaat ilanngullugit tunniussassaraluit tamakkiisumik naammassineqarnikuunngillat maannakkullu innuttaasut kiffartuunneqarnerminni killiffik pillugu isummersortarnerat tupinnanngitsumik qaqilerneqartaarput.

Piviusut qiviarutsigit kommuninut mikinerusunut aammalu nunaqarfinnut iluaqutaanissaa takorluugaq siunnerfilu naapertorlugu ingerlasoqarsimanersoq malinnaaffigalugu oqartariaqarpoq siunnerfigisimasaq uniorluinnarlugu ingerlasoqaannarani killiffeqartoqarpoq innuttaasut peqatigalugit nalilersuinnarnagu qanoq iliuuseqarfiusariaqarlunartoq Naleqqamiit isumaqarpugut.

Innuttaasut oqartussaaqataanermik pingaartitsillutik peqataanertik ugartortarpaat aammalu qanimut kiffartuunneqartarnertik ugartorpaat, saaffiginnikkaluarlutik naammaginartumik akineqartaratik misigisimapput allaat akineqaavittannginnertik ilungersunartutut isigaat.

Taamatullu ukiorpassuannngortuni illoqarfinni mikiner ni nunaqarfinnilu sanaartorneq ingerlanera unittuuvissimavoq, namminersortuaqqat matoorarsimapput, selskabersuit ingerlatsiner minni sipaar niarfigalugit annikillissaaffigerujussuarlugit inissisimaffigaat, ineriartorner mi peqataatinneqaratik misigisimasut tupinnanngitsumik inissisimaffigaat.

Namineq illuliortarnerit unittuussimapput qitiusumiit aningaasaliissutaasartut ataasiakkaat eqqaassanngikkaanni annikitsuinnarmiilersimasut innuttaasut isigaat ulluinnarni inuuner minni malinnaaffigaat.



Kommunerujussuarnut siunnerfigisimasatta pitsaaqutitut isigisatta anguniarneri uniorluinnarneqarsimasut politikkikkut nassuerutiginiartigu, nassueruteqarsinnaaneq annernartuunngilaq nukittunervoq, taamatullu siunnersuuteqartoq taperserlutigu aaqqiinissamut toqqammavissamik pitsaaqutai pitsaanngequtaalu innuttaasut peqatigalugit qulaajaafiginiartigit.

Sumiiffikkaartumik nalilersuinerit ingerlanniartigit sumiiffikkaartumik demokratiimi ingerlatsinitsinni aaqqiiniarta, maannakkut nunaqarfiit siulersuisoqarnitta qaavatigut sumiiffinni ataatsimiititaliaqartitsernerit eqqunneqarnikuupput taakkulu toqqaannartumik oqartussaanerat aningaasaliisinnaanerallu killeqartuummat demokratiimik ingerlatsinitsinni ilaartuiniarnerinnaapput tamakkiisumik iluaqutaasinnaaneri ilanngullugit nalilersortariaqartut qanimut oqartussaaqataasut peqatigalugit.

Sanaartornerit ingerlanneqarunnaarsimasut siornatigut kommuneqarallarmat qitiusumiit taperneqarlutik kommunikkaartumik ingerlatsisarnerit aallaavigalugu suliat nunaqavissut sulisoralugit ingerlanneqartarsimasut maannakkut amerlasuut oqaluttuaannangornikuupput.

Ineriartorneq sumiiffinni mikinerni nunaqarfinnilu tigussaanagerusumik ingerlaqqilerniarli inissaaleqineq sumiiffinni mikinerni nunaqarfinnilu illoqarfissuartuut allattorneqarsimanngimmat imaangilaq pisariaqartinneqanngitsoq.

Inissiat utoqqarnut naleqquttut innarluuteqartunut naleqquttut, inuusuttunut inissiat taamatullu ilaqtariinnut inissiat taamatullu nammineq illuliortarnerit aallarteqqittariaqarpoq.

Narsaq, Nanortalik, Paamiut, Maniitsoq, Tasiilaq, Ittoqqoortoormiit, Kangaatsiaq, Qasigiannugit Qeqertarsuaq, Uummannaq, Upernavik, Qaanaaq illoqarfiit pineqartut kommunitut qangatuut ingerlaqqissanerlutik nammineq aperineqartariaqartut Naleqqamiit isumaqarfigaarput, taamatullu kujataani Alluitsup-Paa avannaanilu Kullorsuaq tunumilu Kuummiut aamma nunaqarfiillu allat ilanngullugit qanoq inissisimarusunnersut aperisariaqarput pitsaaqutaat pitsaanngequtaallu pillugit saqqummiiffiigineratigut.

Demokratiimik inuit peqataarusunnerat aammalu ujartuinerat tusaanngitsuusaarsinaanngilarput taamaammallu siunnersuutigisimasatsinni ujartukkagut ilanngullugit suliarineqarnissaat inner-suussutigalugit siunnersuuteqartumut qujassuteqarluta tapersiilluta suliap ataatsimiititaliamut susasaqartumut ingerlatseqqinnissaa Naleqqamiit inassutigaarput.